

ဖိလိပုပိ

ဖိလိပုပိ သင်းတော်ဟို့ ပေါလုရဲ့ ပေးစာ နိဒါန်း

ပေါလုဟာ ခရစ်တော် မွီးဘီးနု ၆၁ ခုနှစ်လော့-က်ဟု ဖိလိပုပိမြို့မာရှိဟူ ယောင်ကြည်သူလေးနားဟို့ အယ်စာဟို့ ရေးဟူးလေဟယ်။ သူဟာ ရောမမြို့မာ ထောန်ကုလနေဒူးမာ အယ်စာဟို့ ရေးဟူးဟယ် (၁.၁၃)။ အယ်စာဟာ ဖိလိပုပိမြို့မာရှိဟူ သင်းတော်ဟို့ ရေးဟူးလေဟယ်။ ကျွန်တော့်ဟူးလေးဟာ တမန်တော်လေရဲ့ လောကဆောန်ရှင်းကျမ်းထဲဟုနေ ဖိလိပုပိမြို့ကြောန်းဟို့ နဲနဲဟူးဘဲ သိနိုင်ဟယ်။ ဖိလိပုပိမြို့ဟာ မာကေဒေါနီပြည်နယ်ရဲ့ မြို့တော်ဖြစ်ဟယ်။ အယ်ဘီးဟာ မာကေဒေါနီပြည်နယ်မာ ပထမဆောင်း သင်းတော်ဟို့ တည်ထောန်ဟူ မြို့လည်းဖြစ်ဟယ်။ အယ်မြို့မာရှိနေဒူးမာ ပေါလုနု သိလဟာ တညဉ့်လောင်း ထောန်ထဲမာ လောန်ဟူးခံရဘေမဲ့လည်း သူးနို့နဲ့ယော့-က်ဟာ သင်းတော်ဟို့ တူးဒူ စပြုဟူးလေဟယ် (တ ၁၆)။

ပေါလုဟာ အယ်စာဟို့ ရည်ရွယ်ချစ်ဘောင်းဇောင်နု ရေးဟူးလေဟယ်။ ပေါလုဟာ ထောန်ကုလနေဟယ် ဆိုဇာဟို့ သင်းဝမ်လူလေဟာ ဒန်းကြားရဟူ ခီမာ သူးနို့ဟာ လတ်ဆောန်ပို့ပေးလိုက်ဟူကြောန် သင်းတော်ဟို့ ကျေးဇူး

တန်ဟိုတွပ် သူဟာ သောင်းပြုဟူးဟယ် (၄.၁၀-၁၉)။ သူ
ဟာ ထောန်ထဲဟု သူ့ရဲ့ နှော-က်ဆောင်းခြေနေဟိုလည်း
သူးနို့ဟို ပြောပြဟူးဘီး သင်းတော်တွပ် တိမောသေန ဧပ
ပြောဒိတ်ဟို ထော့-က်ခံပေးလေဟယ် (၂.၁၉-၃၀) အယ်
မျိုးလောက်မှဘဲ သူးနို့ဟာ အယ်လူနေ့ယော့-က်ဟို လတ်
ခံဘီး သူးနို့နေ့ယော့-က်ရဲ့ ဦးဆောန်ဇာဟို လေးစားလေ
မယ်။

ကြောင်းရာ ကျဉ်းချောက်

၁။ ပေါလုဟာ ဖိလိပ္ပိုမြို့မရှိဟူ သင်းတော်ဟို နှောက်
ဆစ်ရှင်းအားဖြင့် အယ်စာဟို စပြုဟူးဟူကြောင်း
(၁.၁-၂)

၂။ သူ့ရဲ့ ခြေနေတချို့နု သူမာဖြစ်နေဟူ စိုးရိမ်းဇာတ
ချို့ဟို မျှဝီဟူးဟူကြောင်း (၁.၃-၂.၃၀)

၃။ အယ်ဘီးနု သူဟာ ခရစ်ယာန်သတ်ရှင်ဟူဇာ ပေါင်ဇံ
တွပ် လတ်တို့ပြဟူ လမ်းညွှန်ချစ်လေ ဘောင်းဇောင်
ဟို ပေးဟူးဟူကြောင်း (၃.၁-၄.၉)

၄။ ပေါလုဟာ သူးနို့ရဲ့ လတ်ဆောန်တွပ် ဖိလိပ္ပို
ပိသင်းတော်ဟို ကျေးဇူးတန်ရှင်းနု သူ့ရဲ့ နှောက်
ဆစ်စကားပြောရှင်းအားဖြင့် နိဂေါင်းချောက်ဟူးဟူ
ကြောင်း (၄.၁၀-၂၃)

^၁ ယေရှုခရစ်တော်ရဲ့ စေခံဖြစ်ဟူ ပေါလုနု တိမော
သေလေဟိုနေ —

ဖိလိပ္ပိုပိမြို့မာနေဂေဟူ သင်းအောက်လေန သင်း
တော်လူဂီးလေဟိုရော၊ ယေရှုခရစ်တော်န တလောင်း
တဝဒဲ ဖြစ်ဂေဟူ သခင်ဘုရားရဲ့ သန်ရှင်းဟူလူလေ ဂူ
လောင်းနားဟို စာရေးလိုက်ဟယ်၊

^၂ နန်းနို့ဟာ နို့လေရဲ့ဖဖြစ်ဟူ ဘုရားသခင်န သခင်
ယေရှုခရစ်တော်နားဟုနေ ကျေးဇူးတော်န ငြိသတ်ရှင်း
လေဟို ခံစားရပါစေ။

ဖိလိပ္ပိုသင်းသားလေတွပ် ပေါလုဆုတောင်းပေးဟူ
ကြောင်း

^၃ နန်းနို့ ကြောင်းလေဟို ဒီရဟူခီတိုင်းမာ ငါဟာ
ဘုရားသခင်ရဲ့ ကျေးဇူးတော်ဟို ချီးမွမ်းပါဟယ်။

^၄ ဝမ်းမြော-က်ဟူစိန နန်းနို့တွပ် ငါဟာ မြဲဒမ်း ဆုတော
န်းပေးနေဟယ်။

^၅ ဖြားဖြစ်ကြောန့်နို့ဆိုဟာ နန်းနို့ဟာ ကောန်မြတ်ဟူ
ဒန်းကောန်းတွပ် ပထမနေဟုစဘီး ခုတိုင်အောက် စုပေါင်း
ဘီးဟာ ပါဝမ်ကြောင်းဟို သိဟူကြောန့် ဘုရားသခင်ရဲ့
ကျေးဇူးတော်ကို ချီးမွမ်းဟယ်။

^၆ နန်းနို့မာ အယ်မျိုးကောန်းမြတ်ဟူမှုဟို စဘီးလောက်
ဟူ ဘုရားသခင်ဟာ ယေရှုခရစ်တော်ရဲ့ နေ့ရစ် ရော့-က်
လာခီထံ အယ်မှုဟို ပီးအောက်လောက်မယ်ဆိုဇာဟို ငါဟာ
ယောင်ကြည်စိခလဟယ်။

^၇ နန်းနို့ဟို ငါဟာ ဒီရဟယ်။ အယ်ကြောန့် ငါဟာ နန်း
နို့န ပတ်သတ်ဘီးဟာ အယ်မျိုး စိသဘော ထားဟားဟု

ယ်။ ခုငါဟာ တောက်နှောန်ခံရဘီး နေရဟူခိန ဒန်းကော
န်းဟို့ လွတ်လွတ်လပ်လပ်ဟား သတ်သေခံခွမ့် ရဟူခိဒူး
ဟု နန်းနို့ဟာ ငါနတူးဒု ကျေးဇူးတော်ဟို့တူးဒု ဝီမျှခံစား
ဟူ လူလေဖြစ်ဟူကြောန် နန်းနို့ဟာ ငါ့ရဲ့ နှလောင်းထဲမာ
စိစွဲလမ်းဘီး ရှိဂေဟယ်။

^၈ ငါဟာ ယေရှုခရစ်တော်ရဲ့ မြစ်တာကရုဏာန နန်းနို့ဟို့
ရရာတိုင်း လွမ်းဟူကြောင်းဟို့ ဘုရားသခင်ဟာ ငါ့ရဲ့သတ်
သေ ဖြစ်ဟယ်။

^၉ နန်းနို့ဟာ ကောင်းဆောင်းဟို့ ဝီးကော့-က်နိုင်ဟို့တွပ်
သိပညာန ပိုင်ခြားဝေဖန်တတ်ဟူ စွမ်းရည်လေန ပုလဲဇော
င်ဘီး မြစ်တာပါရမီလေဟာ တိုးတတ်လာဂေဟို့ နန်းနို့လေ
တွပ် ငါဟာ ဆုတောင်းဟယ်။

^{၁၀} မြင့်မြတ်ဟူ ဇာလေဟို့ နန်းနို့လေဟာ ပိုင်းခြားဘီး သိ
နိုင်ဟို့ကြောန်းန နန်းနို့ဟာ ခရစ်တော်ကြွလာဟူ နေရစ်မာ
ဖုလူစင်ဘီး ပြစ်တန်ဇာဟူမေ့ဘဲ ညစ်ကြေးန ကင်းလေ
မယ်။

^{၁၁} ဘုရားသခင်ရဲ့ ဖောင်းသရေတော် ထွန်းတော့-က်ဟို့
တွပ်န ဂေါင်တော်ဟို့ ချီးမွမ်းဂေဟို့တွပ် ယေရှုခရစ်တော်
ကြောန် ရနိုင်ဟူ ပြောန်မတ်ဘီး စစ်မှန်ဟူ ရည်သွေးကော
န်းလေန ပုလဲဇောင်လေမယ်။

သတ်ရှင်နေဇာဟာ ခရစ်တော်တွပ် ဖြစ်ဟူကြောန်း

^{၁၂} ညီကို မောန်နှမလေ ငါ့မာတို့ကြောင်ရဟူ ဖြစ်ပျစ်
လေဟာ ဒန်းကောန်းဟို့ ကြေညာဟူ ခီမာ တကယ်ဘဲ

ထော့-က်ကူပေးကြောင်းကို နန်းနို့ကို သိစေရှင်ဟုယ်။

13 ငါဟာ ခရစ်တော်ရဲ့ စေခံဖြစ်တွပ်ကြောနဲ့ ငါဟာ တောက်နှောနံခံရဘီး နေရဟူကြောင်းကို နန်းတော်မာ စောန့်နေဟူ တပ်သားလေန တခြားသူလေဟာ သိဂေဟုယ်။

14 အယ်မျိုး တောက်နှောနံခံရဟူကြောနဲ့ ညီကို မောန်နှမလေဟာ သခင်ဘုရားကို ပိုဘီး ဟာ ယောင်ကြည်စိခလလာဂေဟုယ်။ အယ်ကြောနဲ့ သူးနို့ဟာ ကြော့-က်ဘဲနစကားတော်* ဟို ပိုဘီး ဟာ ဟောပြောရဲဂေဟုယ်။

15 တချို့လူလေဟာ နာလိုဘဲဟူစိ၊ ရန်ရှာရှင်ဟူစိလေန ခရစ်တော်ကြောင်းကို ဟောပြောဂေဟုယ်။ အယ်ဘေမဲ့ တချို့လူလေဟာ စေတနာစိန ဟောပြောဂေဟုယ်။

16 အယ်လူလေဟာ သခင်ယေရှုကြောင်း ဒန်းကောင်းကို ကာကွယ်ဘီးဟောပြောတွပ် ငါ့ကို ဘုရားသခင်ဟု ခန့်ဟားဟူကြောင်းကို သိဟူကြောနဲ့ မြစ်တာန ဟောပြောဂေဇာ ဖြစ်ဟုယ်။

17 တခြားလူလေဟာ ခရစ်တော်ရဲ့ကြောင်းကို ရိုးသားမှုမဲ့ဘဲန ကျော်ကြားရှင်ဟူစိန ဟောပြောဂေဟုယ်။ သူးနို့ရဲ့ ကြံစည်လေဟာ တောက်နှောနံခံနေရဟူ ငါ့ကို ပိုဘီးဟာ စီဒေါက်ခရော့-က်စေဟုယ်။

18 ဖယ်မျိုးဟောပြောနူးဆိုဟာ ရေးကီးဟု။ မှားယွင်းဟူရည်ရွယ်ချစ်န ဟောပြောရှင်းဖြစ်စေ၊ မှန်ကန်ဟူ ရည်ရွယ်

1:13 ၁.၁၃ တ ၂၈.၃၀ * 1:14 ၁.၁၄ စကားတော်၊ တချို့မူရင်းလတ်ရေးမူလေမာ ဘုရားသခင်ရဲ့ တရားတော်။

ချစ်နု ဟောပြောရှင်းဖြစ်စေ ခရစ်တော်ကြောန်းဟို့ဘဲ
ဟောပြောနေဟူကြောန့် ငါဟာ ဝန်းသာဟယ်။ ဆစ်ဘီး
ဟာ ဝန်းသာနေဟယ်။

19 ဖြားဖြစ်ကြောန့်နူးဆိုဟာ နန်းနို့လေရဲ့ ဆုတောင်း
ရှင်းလေ၊ ယေရှုခရစ်ဝိညာဉ်တော်ရဲ့ ငါ့ဟို့ ကူညီမဇပေး
ရှင်းအားဖြင့် အယ်ကြောန်းရာလေဟာ ငါ့ဟို့ ကယ်တန်ဟူ
ကြောန်းရာလေဖြစ်ဟယ်။

20 ငါဟာ ဖယ်ခါလည်း ကိုယ့်တာဝန်ဟို့ ပြစ်ကွပ်ဘဲ ဒီ
တိုင်းမာရော၊ ထူးသဖြင့် အယ်မျိုးခီမာရော ရဲရင့်ဟူသတ်
တန် ပုလဲဇောင်ဘီး ငါဟာ သတ်ရှင်ဇာဖြစ်စေ၊ သေဇာဖြစ်
စေ ငါ့ကိုယ်ခန္ဓာအားဖြင့် ခရစ်တော်ရဲ့ ဖောင်းသရေတော်
ဟို့ ထန်ရှားလာဟို့တွပ် မျှော်လင့်ဟယ်။

21 သတ်ရှင်ဇာဟာ ဖယ်မျိုးနူး။ ငါသတ်ရှင်နေဇာဟာ
ခရစ်တော်ဘဲဖြစ်ဟယ်။ သေမယ် ဆိုဟာ ပိုဘီး ဟာ ကျိုး
ရှိဟယ်။

22 အယ်ဘေမဲ့ ငါဟာ ကိုယ်ခန္ဓာမာ ဆစ်ဘီးဟာ သတ်
ရှင်မယ် ဆိုဟာ ကျိုးရှိဟူမှုဟို့ လောက်နိုင်ဟယ်။ အယ်ခီ
မာ ဖယ်ဇာဟို့ ဝီးကော့-က်ရဟို့နူး၊ ဆိုဇာဟို့ ငါသိဟယ်။

23 ငါ့မာ စိနွေ့ခွ ဖြစ်ဘီးနေဟယ်။ ငါဟာ အယ်ဘဝ
ဟို့ စွန်ဘီးဟာ ခရစ်တော်နုတူးဒူ နေရှင်ဟယ်။ အယ်မျိုး
လောက်ဇာဟာ ငါတွပ် ပိုဘီး ကျိုးရှိဟယ်။

24 အယ်ဘေမဲ့ နန်းနို့လေရဲ့ ကျိုးလေဟို့ ထော့-က်ဟူ
ကြောန့် ငါဟာ အယ်ကိုယ်ခန္ဓာမာ သတ်ရှင်ဘီးနေဟို့တွပ်

ပိုဘီး ဟာ ရေးကီးဟယ်။

²⁵ အယ်မျိုးဘဲ ယောင်ကြည်စီခလကြောန့် ငါဟာ နန်းနို့တူးဒူ နေမယ်။ နန်းနို့ဟို ကြီးပွားတိုးတတ် စေရှင်ဟူ ကြောန့် ယောင်ကြည်ရှင်းမာ ဝန်းသာဟို့တွပ် ငါဟာ နန်းနို့နတူးဒူ နေမယ်။

²⁶ ငါဟာ နန်းနို့န နှော-က်တခါ နေရမယ် ဆိုဟာ ယေရှုခရစ်တော်န တလောင်းတဝဒဲ ဖြစ်ဂေဟူ နန်းနို့ဟာ ငါတွပ် ကြောန့် ပိုဘီး ဟာ ဂေါင်ယူဘီး ကြွေးနိုင်ဂေလေ့မယ်။

²⁷ ခုနန်းနို့တွပ် ရေးကီးဆောင်းဟု ခရစ်တော်ရဲ့ တရားတော်နညီ သတ်ရှင်နေဘီး နေနိုင်ဂေဟို့တွပ် ဖြစ်ဟယ်။ နန်းနို့နားဟို ပုလန်လာဇာဖြစ်စေ၊ လာဘဲဖြစ်စေ၊ နန်းနို့န ဝီးနေဘီး နန်းနို့ကြောန်းဟို ကြွေးဇာဖြစ်စေ သာသနာတော်ဟာ ခိုင်မြဲဘီး ကြီးပွားဟို့တွပ် ခိုင်းခိုင်မားမာဟားရပ်ဘီး တစိ တသဘောဒဲ၊ ရည်ရွယ်ချစ်တခုဒဲန ဒန်းကောန်းနဆိုင်ဟူ ယောင်ကြည်ရှင်းတရားတွပ် နန်းနို့လေဟာ တိုက်ပွဲဝမ်နေဂေကြောန်းဟို ငါဟာ ကြွေးရှင်ဟယ်။

²⁸ နန်းနို့ရဲ့ ရန်သူလေဟို ကြော-က်ဂေန။ မြဲဒမ်းဘဲ ရဲရဲရင့်ရင့်ဟာ နေဂေပါ။ အယ်မျိုးနေဇာဟာ ရန်သူလေဟု ရှောင်းဟားဟူကြောန်းန နန်းနို့ဟု အောက်မြင်မယ်ဖြစ်ကြောန်း ရန်သူလေဟို သတ်သေပြဂေလေ့မယ်။ ဖြားဖြစ်ကြောန်းနဆိုဟာ နန်းနို့ဟို အောက်ဗွဲခံစေဟူ သခင်ဟာ ဘုရားသခင်ဘဲ ဖြစ်ဟယ်။

²⁹ နန်းနို့ဟာ ခရစ်တော်ဟို ယောင်ကြည်ရှင်းမျှဘဲ က

ဘဲနဲ ခရစ်တော်တွပ်ကြောန့် ဒေါက်ခ ခံရရှင်းနရော၊
ခရစ်တော်ရဲ့မုတော်ဟို့ လောက်ဟို့တွပ်ရော ခွမ်ရေးလေ
ဟို့ ရဂေဟယ်။

³⁰ နန်းနို့ဟာ ငါနတူးဒု တိုက်ပွဲဟို့ ဝမ်နိုင်ဟားဘီး ရင်း
ရင်ဒူးဟု ငါဟာ တိုက်ပွဲဝမ်ဇာဟို့ နန်းနို့ဟာ မြင်ရဂေဟ
ယ်။ နန်းနို့ ကြားရဟူတိုင်းဘဲ ခုလည်း ငါဟာ တိုက်ပွဲဝမ်
နေသေးဟယ်။

2

ခရစ်တော်ရဲ့ နိဒ္ဒါလှိုင်း

¹ နန်းနို့ဟာ ခရစ်တော် ထဲမာ သတ်ရှင် ဟူကြောန့်
ခွန်အားလေ ရလာဂေဟယ်။ ကိုယ်တော်ရဲ့ မြစ်တာတော်
ဟာ နန်းနို့ဟို့ နှစ်သိမ့်မှုဟို့ ပေးဟယ်။ နန်းနို့ဟာ ဝိညာဉ်
တော်န မိတ်သဟာယဖွဲ့ရဟူ ခွမ်ရဂေဟယ်။* နန်းနို့လေ
ဟာ သနားကြင်နာဟူ စိရှိဂေပါ။

² အယ်ဘီးဟာ နန်းနို့ဟာ စိသဘောတူးဒုရှိရှင်း၊ နန်းနို့
ရှင်းရှင်း ရှစ်ရှင်း၊ စိစွဲလမ်းဘီး တူးဒုရှိဂေဇာအားဖြင့် ငါ
ဟို့ ရရတိုင်း ဝန်းသာစေဂေပါ။

³ ဝါကြားရှင်ဟူစိ၊ ကျော်ကြားရှင်ဟူ စိဟို့ တတ်မတ်
ဘီးဟာ ပြားမှုလည်း လောက်ဂေန။ တခြားလူဟု ကိုယ်
ထတ်သာဟယ် ဆိုဇာဟို့ မြဲဒမ်း မှတ်ဟားဘီးဟာ စိနိဒ္ဒါလ
ဂေပါ။

1:30 ၁.၃၀ တ ၁၆.၁၉-၄၀ * 2:1 ၂.၁ ဝိညာဉ်တော်န
မိတ်သဟာယဖွဲ့ရဟူ ခွမ်ရဂေဟယ်၊ အယ်မျိုးမှုဘဲနေဟာ ဝိညာဉ်တော်ဟာ
ရှင်းရှင်း မိတ်သဟာယဖွဲ့စေဟယ်။

၄ ကိုယ်ကျိုးတွပ်ဘဲ ကော့ဘဲန ရှင်းရှင်းလေရဲ့ ကျိုးဟို့ ရှာဂေ့ပါ။

၅ ယေရှုခရစ်တော်ထဲမာရှိဟူ စိသဘောမျိုး နန်းနို့လေ မာလည်း ရှိဂေ့ပါ။

၆ ကိုယ်တော်ဟာ ဘုရားဇာတိတော်န ထာဝရပုလဲဇောင်ဟာ
ယ်။

ဘုရားသခင်န ဒန်းဒုဖြစ်ဟို့တွပ်[†] ကြိုးစားအားထုမှု
မျိုး စဉ်းစားဟူ။

၇ အယ်မျိုးလောက်ဟို့ နေနေသာသာ ကိုယ့်ကိုယ်ကိုယ်
ဖောင်းသရေတော်ဟို့စွန့်ဘီး စေခံကျန်ရဲ့ ပေါင်ဇံဟို့
ခံယူလိုက်ဟယ်။

ကိုယ်တော်ဟာ လူပေါင်ဇံဟို့ ဆောန်ဘီးဟာ လူလေမျိုး
မိုးဖွားလာဟယ်။

၈ သူ့ကိုယ်သူ နှိခလဘီးဟာ လတ်ဝါးကပ်တိုင်ထတ်မာ
သေခံဟားဟူထိ နာခံမှုလမ်းစဉ်ဟို့ လိုက်လျှော့-က်
ဟားဟယ်။

၉ အယ်ကြာန်းကြောန့် ဘုရားသခင်ဟာ
ကိုယ်တော့်ဟို့ ရရာတိုင်း ချီးမြှောက်ဘီး၊

ဘွဲ့နာမဂူလောင်းထတ် ကီးမြတ်ဟူ ဘွဲ့နာမဟို့ ပေးဟားဟာ
ယ်။

[†] ၂:၆ ဟို့တွပ်၊ အယ်မျိုးမှုဘဲနေဟာ ဖြစ်လာဟို့တွပ်။

- 10 အယ်ကြောန့် ကောန်းဂန်၊ မှလေဂီးထတ်န မှလေဂီး
အော့-က်မာ‡ ရှိနေဟူ သတ္တဝါဂူလောင်းဟာ
သခင်ယေရှုရဲ့ နာမတော်ဟို့ ရှိသေဦးညွတ်ဘီးဟာ၊
- 11 ယေရှုခရစ်တော်ဟာ သခင်ဖြစ်ဟယ် ဆိုဇာဟို့ နှောက်
နဝန်ခံဘီး၊
ဖဘုရားသခင်ရဲ့ ဖောင်းတော်ဟို့ ထန်ရှား စေဂေလေ့
မယ်။

လောကမာ လန်းရောန်မျိုးဘွဲ ထွန်းလန်းဟူကြောင်း

- 12 ရှစ်ရဟူသလေ၊ နန်းနို့န ငါဟာ ရှိနေဟူခိဒူးဟ နန်းနို့
ဟာ ငါစကားဟို့ မြဲဒမ်း နားထောန်မျိုးဘွဲ ငါ့နော့-က်ကွယ်
မာလည်း မြဲဒမ်းနားထောန်ဘီးဟာ ရရာတိုင်း ကြော့-က်
ဟူစိန ကိုယ့်ကိုယ်ကိုယ် ကယ်တန်ဟို့တွပ် ကိုယ်တိုင် ကြိုး
စာအားထုဂေပါ။

- 13 ဖြားဖြစ်ကြောန်နူးဆိုဟာ စေတနာစိ ရှိဟူတိုင်း ဆန္ဒ
ရှိဟို့န လောက်ဆောင်ဂေဟို့တွပ် နန်းနို့ထဲမာ လောက်
ဆောင်တော်မူဟူ သခင်ဟာ ဘုရားသခင်ဖြစ်ဟယ်။

- 14 နန်းနို့ဟာ ဖြားဘွဲလောက်လောက် ညီးတွားရှင်း၊ ဂြ
င်းခူရှင်း ရှိဘဲန လောက်ဆောန်ဂေပါ။

- 15 အယ်မျိုးလောက်မှ နန်းနို့ဟာ ဖော့-က်ပုလန်ဘီး
ဟာ ပြစ်ကျူးလွန်နေဟူ လူလေရှိဟူ အယ်လောကမာ
ဘုရားသခင်ရဲ့ ပြစ်တန်ဇာမေ့ဘွဲဟူ သားမီးနေန စိန

‡ 2:10 ၂.၁၀ မွေဂီးအော့-က်မာ၊ သေဟားဟူလူလေဟာ မှောန်ထဲမာ
ဆစ်ဘီးဟာ ရှိနေဟယ် ဆိုဘီး ယူဆဂေဟယ်။

လောင်း ဖုလူစင်သန်ရှင်းဘီးဟာ ပြစ်ကင်းဟူလူလေ ဖြစ်ဂေ့လေ့မယ်။

¹⁶ နန်းနို့ဟာ ထာဝရသတ်န ဆိုင်ဟူ တရားတော်ဟို့ ဟောပြောဘီးဟာ အယ်လူလေလယ်မာ ကြယ်လေမျိုးဘဲ လန်းဘီးဟာ တော့-က်ပဂေ့လေ့မယ်။ အယ်မျိုးလောက် မယ် ဆိုဟာ ငါဟာ အားထုဘီးဟာ လောက်ဆောန်ဇာမှန် မျှဟာ ချည်းနှီးဖြစ်ဘဲန ခရစ်တော်ရဲ့ နေ့ရစ်မာ ငါ့မာ ဂေါင်ယူဝါကြွေးဇာ ကြောန်းလေ ရှိလေ့မယ်။

¹⁷ နန်းနို့ရဲ့ ယောင်ကြည်ရှင်းဟု ဘုရားသခင်ဟို့ ပူဇော် ဟူယဇ်ထတ်မာ ငါ့ရဲ့ သတ်နသွီးဟို့ သွန်းလောင်းရမယ် ဆိုဟာ ငါဟာ ဝန်းသာဘီး နန်းနို့တူးဒူ ဝန်းသာဟယ်။

¹⁸ နန်းနို့ဟာ ဝန်းသာဘီးဟာ ငါ့တူးဒူ ဝန်းသာဂေ့ပါ။

တိမောသေန ပေဖြောဒိတ်ကြောန်း

¹⁹ ငါဟာ နန်းနို့ကြောန်း ဒန်းကောင်းဟို့ ကြားဘီးဟာ အားတတ်လာဟို့ သခင်ယေရှုဟာ လိုတော်ရှိမယ် ဆိုဟာ တိမောသေဟို့ နန်းနို့နားဟို့ ကြာခန်မာ လွတ်ဟို့တွပ် ငါဟာ မျှော်လင့်ဟယ်။

²⁰ တိမောသေ တယော့-က်ဘဲ ငါ့နဘောတူဘီး နန်းနို့ရဲ့ ကျိုးဖြစ်ဟို့တွပ် မှန်တကယ်လိုရှင်ဟူ လူဖြစ်ဟယ်။

²¹ တခြားလူလေဟာ ကိုယ်ကျိုးဘဲ ရှာဂေ့ဟယ်။ ယေရှု ခရစ်တော်ရဲ့ ကျိုးဟို့ ရှာဂေ့ဟု။

22 တိမာသေန ငါဟာ သားဖမျိုးဘဲ တူးဒု ဒန်းကောင်း
ဟို့ ပုလုံနို့ဟို့တွပ် မှတ်တော်ဟို့ ဖယ်မျိုးစေခံဟယ်နူး၊ ဆိုဇာ
ဟို့ နန်းနို့ဟာ သိဂေဟယ်။

23 အယ်ကြောန့် ငါရဲ့ မှုကိစလေဟာ ဖယ်မျိုးဖြစ်နူး၊ ဆို
ဇာဟို့ သိဟူ ခီမာ သူဟို့ နန်းနို့နားဟို့ လွတ်နိုင်ဟို့တွပ် ငါ
ဟာ မျှော်လင့်နေဟယ်။

24 သခင်ဘုရားဟို့ ယောင်ကြည် ကိုးစားဘီး ငါကိုယ်တို
င်ဘဲ ကြာခန်မာ နန်းနို့နားဟို့ လာနိုင်လေ့မယ်။

25 ငါရဲ့ လောက်ဖော်ဆောန်ဖတ်၊ ငါနတူးဒု တိုက်ပွဲဝမ်
ဟူလူ၊ ငါဟို့ ပြုစုဟို့တွပ် နန်းနို့လေ လွတ်လိုက်ဟူလူ၊ နို့
လေရဲ့ညီ စေတမန်ဖြစ်ဟူ ဧပဖြောဒိတ်ဟို့ နန်းနို့နားဟို့ လွ
တ်ဟို့တွပ် လိုအပ်နေဟယ် ဆိုဇာဟို့ ငါဟာ ယူဆဟယ်။

26 သူဟာ နန်းနို့လောင်းဟို့ လွမ်းဘီးဟာ မြဲဒမ်းဒီရနေ
ဟယ်။ သူဖျားနေဟူ ဒန်းဟို့ နန်းနို့ဟာ ကြားဟူကြောန့် သူ
ဟာ စိကောင်းဘဲ ဖြစ်နေဟယ်။

27 သူဟာ တကယ်ဘဲ သေခါနီးဖြစ်အောန် ဖျားနေဟ
ယ်။ အယ်ဘေမဲ့ ဘုရားသခင်ဟာ သူဟို့ သနားလေဟ
ယ်။ သူဟို့ဘဲ သနားဇာမဟူ။ ငါဟို့လည်း ထတ်ဘီးဟာ
ဝန်းနဲဟူ ဇာလေန တွံကြောင်ဘဲနေ ရဟို့တွပ် သနားဟ
ယ်။

28 အယ်ကြောန့် နန်းနို့ဟာ သူဟို့ နှော-က်တခါ တွံရ
ဟူကြောန့် ဝန်းသာဂေဟို့တွပ်ရော၊ ငါရဲ့ ဝန်းနဲဟူ ဇာလေ
လည်း ပျော့-က်ဟားဟို့တွပ်ရော သူဟို့ နန်းနို့နားဟို့ လွတ်

ဟို့တွပ် ငါဟာ ပိုဘီး ဟာ စိအားထတ်သန်ဘီး နေဟယ်။

²⁹ နန်းနို့ဟာ သခင်ဘုရားဟို့ ထော့-က်ဘီး သူဟို့ ညီကို တယော့-က်နေန ဝန်းသာဘီးဟာ ကြိုဆိုဂေပါ။ အယ်မျိုး လူဟို့လည်း ရိုသေဘီးဟာ လေးစားဂေပါ။

³⁰ သူဟာ နန်းနို့လေကိုယ်တိုင် ပေးနိုင်ဘဲဟူ ကူညီလေ ဟို့ ငါဟို့ ပေးနိုင်ဘီးဟာ သတ်စွန့်ဘီးဟာ ခရစ်တော်ရဲ့မူ တော်ဟို့ သေခါနီးထိ ကြိုးစားဘီးဟာ ထမ်းဆောင်ဟယ်။

3

စစ်မှန်ဟူ ပြောန့်မတ်ရှင်းကြောန်း

¹ ညီကို မောန်နမလေ၊ နော့-က်ဆောင်း ပြောရမယ် ဆို ဟာ သခင်ဘုရားန တလောင်းတဝဒဲဖြစ်ဘီး ဝန်းသာဂေ ပါ။ ရင်ဟု ငါရေးဘီးဟာ ဖော်ပြဟားဟူ ကြောန်းရာလေ ဟို့ ခုလည်းထပ်ဘီးဟာ ဖော်ပြရဟူဇာဟာ ဝန်လေးဟု၊ နန်းနို့လေ ပိုဘီး ဟာ လောင်ခြောင်ဟို့တွပ်ဖြစ်ဟယ်။

² ခွီးဖြစ်ဟူလု၊ ကောန်းဘဲဟူကျင့်ဟို့ ကျင့်ဟူလု၊ ကိုယ် အံ့ဂါဟို့ လိုးဖြတ်ရမယ် ဆိုဘီး ပြောဟူလုလေဟို့ ဒိန ရှောန်ဂေပါ။

³ ရေဖျားလီးရှင်းဟို့ ခံရဟူ လူလေဟာ အယ်လူလေမူ ဘဲန နို့လေဘဲဖြစ်ဟယ်။ ဖြားဖြစ်ကြောန်းနို့ဆိုဟာ နို့လေ ဟာ ကိုယ်တော်ရဲ့ ဝိညာဉ်တော်ကြောန်း ဘုရားသခင်ဟို့ ကိုးကွယ်ဝတ်ပြုဘီး ယေရှုခရစ်တော်န တလောင်းတဝဒဲ ဖြစ်ဟူကြောန်း ရှင်လန်းဘီး ဝန်းသာဟူ လူလေ ဖြစ်ဟယ်။ နို့လေဟာ ပုလန်ဟု လတ်ခဏာလေဟို့ ကိုးစားဟု။

4 အယ်ဘေမဲ့ ဇာတိနှိုက် အားကိုးဇာလည်း ငါ့မှာ ရှိဟု
ယ်။ ယော့-က်ယော့-က်ဟု ပုလန်ဟု လတ်ခဏာလေဟို့
အားကိုးဇာ ရှိမယ် ဆိုဟာ ငါ့မှာလည်း သူ့ထတ် ပိုဘီး ဟာ
အားကိုးနိုင်ဟူ ကြောန်းလေရှိဟယ်။

5 ငါဟာ ရှစ်ရစ်မြော့-က်နေ့မှာ ရေဖျားလှီးရှင်းဟို့ ခံဘီး
ဟာ ကုသရေလလူမျိုး ဗီယာမိန်နွယ်ဝမ်၊ ယုဒလူမျိုးဖြစ်
ဟူ မိဖလေဟုနေဘီးဟာ မွီးလာဟူလူ ဖြစ်ဟယ်။ ပညတ်
တရား စောန်ထီးဟူဇာန ပတ်သတ်ဘီး ပြောရမယ် ဆိုဟာ
ငါဟာ ဖာရိရှုံ ဂိုဏ်းဝမ် ဖြစ်ဟယ်။

6 ဘာသာရေး စိအားကီးဟူ ဖတ်မာပြောမယ် ဆိုဟာ
သင်းတော်လေဟို့ ညဉ်းဆဲ နှိစစ်ဟူလူ ဖြစ်ဟယ်။ ပညတ်
တရားဟို့ လိုက်ရှော့-က်ရှင်းအားဖြင့် ပြောန့်မတ်မယ် ဆို
ဟာ ငါဟာ ပြစ်တန်ဇာမော့ဘဲဟူ လူဖြစ်ဟယ်။

7 အယ်ဘေမဲ့ အယ်ဇာလေဟု ငါ့တွပ် မှုလတ်ဖြစ်ဟယ်
ဆိုဘီး ပြောနိုင်ဘေမဲ့ ခုဟု ခရစ်တော်တွပ်ကြောန့် ရှောင်း
ဘဲဖြစ်ဟယ် ဆိုဘီး မှတ်လိုက်ဟယ်။

8 အယ်မျှလော့-က်ဘဲ မှုဘဲန ငါ့ရဲ့ သခင်ခရစ်တော်ဟို့
သိကျွမ်းရဇာဟာ အယ်ဇာလေနရော၊ ရှိမျှဂူလောင်းထတ်
တကိုးရှိဟူကြောန့် အယ်ဇာလေဟို့ရော ရှောင်းဘဲဖြစ်ဟယ်
ဆိုဘီး ငါမှတ်ဟယ်။ ငါဟာ ကိုယ်တော်တွပ် ရှိမျှဂူလော
င်းဟို့ ပစ်လိုက်ဟယ်။ ယေရှုခရစ်တော်ဟို့ မှုလတ်ရဟို့
ရော၊ ကိုယ်တော်န တလောင်းတဝဲ ဖြစ်နိုင်ဟို့ရော အယ်

ဇာလေဟို မှိုက်လေမျိုးဘဲ ငါဟာ သတ်မှတ်ဟယ်။

9 ငါဟာ ပညတ်တရားဟို စောန့်ထီးဟူကြောန့် ပြောန့်မတ်ဟူဇာဟို ရဇာမဟာ ခရစ်တော်ဟို ယောင်ကြည်ကြောန့် ဘဲ ပြောန့်မတ်ရှင်းဟို ရဟယ်။ အယ်မျိုးဘဲ ဘုရားသခင် ပေးသနားဟူ ပြောန့်မတ်ရှင်းဟာ ယောင်ကြည်ရှင်းမာဘဲ ခြေခံဟယ်။

10 ငါဟာ ခရစ်တော်ဟို သိကျွမ်းဇာ၊ ရှင်ပုလန်ထ မြော့-က်ဟူ တဂိုးတော်ဟို ခံစားရဟူဇာ၊ ခရစ်တော်နတူး ဒူ ဆင်းရဲဒေါက်ခခံရဟူဇာ၊ ကိုယ်တော်သေခံဟူဇာမာ ပါ ဝမ်နိုင်ဟိုတွပ် လိုရှင်တောန်းတဟယ်။

11 အယ်မျိုးမူဘဲ ငါကိုယ်တိုင်သေဘီးဟာ ရှင်ပုလန်ထ မြော့-က်ဟူခွမ်ဟို ရမယ် ဆိုဇာဟို မျှော်လင့်နိုင်ဟယ်။

ပန်းတိုင်ဟိုကော့ဘီး ပုလေးဟူကြောန်း

12 ငါဟာ အောန်မြင်ဘီးဟာ ပြစ်မေ့ဟု ဆိုဇာဟို ပြော ရှင်ဇာ မဟု။ အယ်ဘေမဲ့ အယ်ဆုဟို ငါ့ဟိုပေးဟိုတွပ် ယေရှုခရစ်တော်ဟာ ငါ့ဟို ဆွဲခေါ်ဘီး ရဟားဟူကြောန့် ငါဟာ အယ်ဆုဟို ရနိုင်ဟိုတွပ် ကြိုးစားဘီးနေဟယ်။

13 ညီကို မောန်နမလေ၊ ငါဟာ အယ်ဆုဟို ရဟားဟု ယ် ဆိုဘီး ထန်ဟု* ငါလောက်ဟူ တခုဒဲဖြစ်ဟူဇာဟု ငါ့ နော့-က်မာ ရှိနေဟူဇာလေဟို မေ့ပစ်ဘီးဟာ ငါ့ရှေ့မာ ရှိ နေဟူဇာလေနားဟို ရော့-က်ဟိုတွပ် စွမ်းဂူကြိုးစားဟယ်။

* 3:13 ၃.၁၃ ထန်ဟု၊ တချို့ မူရင်းလတ်ရေးမူလေမာ ခုထိ ထန်ဟု။

14 အယ်ကြောန့် ငါဟာ ဆုဟိုရ်ဟိုတွပ် ပန်းတိုင်ဟို ရှေ့ရှု
ဘီးဟာ ပုလေးဟယ်။ အယ်ဆုဟာ ထတ်ရပ်မာ သတ်ရှင်
ဟိုတွပ် ယေရှုခရစ်တော်ကြောန့် ဘုရားသခင်ဟု ဖိခေါ်ဇာ
ဘဲ ဖြစ်ဟယ်။

15 အယ်ကြောန့် ဝိညာဉ်ရေးရာမာ ကီးထွားလူလေဟာ
အယ်မျိုးစိသဘောလေ ရှိသင့်ဟယ်။ တချို့လေဟု တူဘဲ
ဟူ စိသဘောရှိမယ် ဆိုဟာ ဘုရားသခင်ဟု အယ်ဇာဟို
ရှင်းရှင်းလန်းလန်းဟား ဖော်ပြပေးလေ့မယ်။

16 ဖယ်မျိုးဘဲ ဖြစ်ဖြစ် နို့လေဟာ ခုထတ်ထိ ကိုယ်
ရှော့-က်လာဟူ ပေါင်ဇံတိုင်းဘဲ ကျင့်ဂေဇို။

17 ညီကို မောန့်နှမလေ၊ နန်းနို့လေဟာ ငါ့နားမာ တု
ယူဂေ။ နို့လေပြဟူ စံနမူနာကောန်းလေဟို သတ်ရှင်ဘီး
လိုက်နာဂေဟူလူလေဟို ရှုမှတ်ဂေပါ။

18 ဖြားဖြစ်ကြောန့်နူးဆိုဟာ နန်းနို့ဟို မကြာမကြာ ငါ
ဟာ ဖော်ပြဖူးဟယ်။ ခုလည်း မျစ်ရယ်ကုလဘီးဟာ ဖော်
ပြဟယ်။ ခရစ်တော်ရဲ့ လတ်ဝါးကပ်တိုင်ထတ်မာ သေခံ
ရှင်းတရားနု ဆန့်ကျင်ဘီးကျင့်နေဟူ လူလေဘောင်ဂီး ရှိ
နေဟယ်။

19 အယ်လူလေဟာ ငရဲမာလမ်းဆောင်းဘီး ပျစ်စီးဂေ
လေ့မယ်။ သူးနို့လေရဲ့ ဘုရားဟု သူးနို့မိုက်ဘဲ ဖြစ်ဟယ်။
သူးနို့ဟာ ရှစ်ကြော့-က်ရဟူဇာလေဟို ချီးမွမ်းဘီး ကြား
ဂေဟယ်။ လောကဟု ဇာလေဟိုဘဲ စိစွဲလမ်းဂေဟယ်။

20 နို့လေဟု ကောင်းဂန်နိုင်ငံသား ဖြစ်ဟူကြောင့် ကောင်းဂန်ဘောင်မာ နို့လေရဲ့ ကယ်တန်ရှင် သခင်ယေရှု ခရစ်တော် ကြွလာဟူဇာတို့ စောင့်မျှော်ဘီး ရှိနေဂေဟယ်။

21 ကိုယ်တော်ဟာ ရာအားလောင်းဂူတို့ သူရဲ့ အာဏာစစ်အော့-က်မာ ရော့-က်စေဟူ တဂိုးတော်ကြောင့် နို့လေရဲ့ သေတတ်ဟူ ကိုယ်ခန့်ဇာတို့ ဖောင်းသရေတော်န ပုလဲဇောင်ဟူ ကိုယ်ခန့်ဇာတို့အော်န ပုလောန်းလဲပေးလေ့မယ်။

4

ညွှန်ကြားချစ်လေကြောန်း

1 အယ်ကြောင့် ငါဝန်းသာဟူဇာကြောန်းန ငါ့ရဲ့ သရဖူ ဖြစ်ဟူ ငါ့ညီကို မောန်နှမလေ၊ နန်းနို့တို့ ငါဟာ ရရာ တိုင်းရှစ်ဘီးဟာ လွမ်းနေဟယ်။ ငါဟာ နန်းနို့လေကြောန်းကြောင့် ဂေါင်ယူဟယ်။ ငါရှစ်ရဟူ ညီကို မောန်နှမလေ၊ သခင်ဘုရားမာ ခိုင်ခိုင်မြဲမြဲဟား ရပ်နေဂေပါ။

2 ဧဝေါဒိန သုနုတုတ်လေ၊ သခင်ဘုရားရဲ့ တမဲ့တော်မ ပီသဘီး စိသဘောညီညွတ်ဟူဇာ ရှိဂေဟို့တွပ် ငါဟာ တောင်းဗန်ဟယ်။

3 ငါ့ရဲ့ လောက်ဖော်ဆောန်ဖတ်ဖြစ်ဟူ နန်ဟာ အယ်မီးမလေဟို့ ကူညီမဇပါ။ နန်တို့ ငါဟာ တိုက်တွန်းဟယ်။ သူး နို့လေဟာ ဒန်းကောင်းပြောဟူ ခီမာ ငါနတူးဒု ကြိုးစားဘီး လောက်ဆောန်ဟူ လောက်ဖော်ဆောန်ဖတ် ဖြစ်ဂေဟယ်။ အယ်မျိုး လောက်ဆောန်ဟူ လူလေထဲမာ ကလေမန်းနတူးဒု ဘုရားသခင်ရဲ့ သတ်စာစောန်မာ နာမယ်ပါဟူ

တခြား ငါ့ရဲ့ လောက်ဖော်ဆောက်ဖတ်လေလည်း ပါဝင်ဟု
ယ်။

^၄ နန်းနို့ဟာ သခင်ဘုရားနဲ့ တလောင်းတဝဒဲ ဖြစ်ဟူ
ကြောနဲ့ ဝန်းသာဂေပါ။ နှော့-က်တခါ ငါပြောမယ် ဝန်း
သာဂေပါ။

^၅ နန်းနို့လေရဲ့ နူးညံ့သိမ်မွေ့ဟူ စိသဘောဟို့ လူလေဟို့
မြင်စေဂေပါ။ သခင်ဘုရား ပုလန်ကြွလာဟို့ခီ နီးနော်ဘီ။

^၆ ဖယ်မှုဟို့လည်း စိုးရိမ်ဘဲနဲ့ ဖြစ်လာဟူ မှုရာလေတွပ်
ကျေးဇူးတော် ချီးမွမ်းရှင်းနဲ့ ဆုတောင်းဘီးဟာ နန်းနို့ လို
ရှင်ဇာလေဟို့ ဘုရားသခင်မာ တောင်းလျှော့-က်ဂေပါ။

^၇ အယ်မျိုးလောက်မယ် ဆိုဟာ ဖယ်သူလည်း ကြံစည်
တတ်စွမ်းနိုင်ဟို့ မှီဘဲဟူ ဘုရားသခင်ရဲ့ ငြိသတ်ရှင်းဟာ
ယေရှုခရစ်တော်နဲ့ နန်းနို့ဟာ တလောင်းတဝဒဲ ဖြစ်ဟူ
ကြောနဲ့ နန်းနို့ရဲ့ စိနှလောင်းနဲ့ ကြံစည်လေဟို့ ကာကွယ်
စောင့်ရှော့-က်လေ့မယ်။

^၈ ညီကို မောန်နှမလေ၊ နီဂေါင်းချောက် ပြောရမယ် ဆို
ဟာ နန်းနို့ဟာ ပြောနဲ့မတ်ရှင်း၊ မှန်ကန်ရှင်း၊ မွန်မြတ်ရှင်း၊
စင်ကြယ်ရှင်း၊ နှစ်သက်ဇာကောင်းရှင်း၊ အသရေရှိရှင်းဖြ
စ်ဟူ ကောင်းမြတ်ရှင်းလေနဲ့ ချီးမွမ်းဇာဖြစ်ရှင်းလေ ရှိဟူ
မျှလေဟို့ နှလောင်းသွမ်းဂေပါ။

^၉ ငါ့နားဟုနေ နန်းနို့ကြားဘီး မြင်ရဟူဇာလေဟို့ ကျင့်
ဂေပါ။ အယ်မျိုးကျင့်မယ် ဆိုဟာ ငြိသတ်ရှင်းရဲ့သခင်
ဘုရားသခင်ဟာ နန်းနို့နတူးဒူ ရှိလေ့မယ်။

လူလေဟို့ လတ်ခံရတွပ် ကျေးဇူးတန်ကြောင်း

10 ခီလေဘောင်ဂီးကြာဘီးမှ နန်းနို့ဟာ ငါဟို့ လေးထားဘီးဟာ စဉ်းစားပေးဟူစိဟာ နေ့-က်တခါ ပြဂေဟူကြောနို့ ငါဟာ သခင်ဘုရားန တလောင်းတဝဒဲ ဖြစ်ဟူသူ တယော့-က်နေန ရရာတိုင်း ဝန်းသာဟယ်။ ရင်ခါဒူးဟာ နန်းနို့ဟာ ငါဟို့ မြစ်တာစေတနာ ထားဘွဲနေဟယ် ဆိုဘီး ငါပြောဟု။ အယ်စေတနာမြစ်တာဟို့ ပြနိုင်ဘွဲဟူကြောင်းဘွဲ ပြောဇာဖြစ်ဟယ်။

11 ငါဟို့ နန်းနို့ဟာ ပယ်ဘီးဟာ ထားဟားဟူကြောနို့ ယူဆဘီးဟာ အယ်စကားဟို့ ပြောဟူဇာလည်း မှဟု။ ငါဟာ ကိုယ့်မာရှိဟူဇာနဘွဲ ရောက်ရဲဘီး နေနိုင်ဟို့တွပ် သန်ယူဟားဟယ်။

12 ငါဟာ ရရာတိုင်း ငတ်နေဇာဘွဲ ဖြစ်စေ၊ ရရာတိုင်း စားရဟူဇာဘွဲ ဖြစ်စေ၊ ချို့ချို့တတ်တတ်ဘွဲ ဖြစ်စေ၊ ပိုလျှံနေဟူဇာဘွဲ ဖြစ်စေ၊ ဖယ်မျိုးခြေနေ၊ ဖယ်မျိုးနေရာမာဘွဲ ဖြစ်စေ၊ ကျကျနပ်နပ်ဟား နေနိုင်ဟို့တွပ် သန်ယူဟားဟယ်။

13 ခရစ်တော်နားဟုရဟူ ခွန်အားကြောနို့ ငါဟာ ဖယ်မျိုးခြေနေမျိုးဘွဲ ကြောင်ရကြောင်ရ ရင်ဆိုင်နိုင်ဟယ်။

14 ဖယ်မျိုးဘွဲဖြစ်ဖြစ် ငါဟာ ဆင်းရဲဒေါက်ခ တွံကြောင်ရဟူ ခီမာ နန်းနို့ဟာ မျှဝီခံစားဘီး ကောင်းကောင်းဟား ပြုစုဂေဟယ်။

15 ဖိလိပ္ပိုသင်းသားလေ၊ ငါဟာ မာကေဒေါနိပြည်ဟု
နေ ထွပ်ဟူးဘီး ဒန်းကောင်းဟို့ စဘီးကြေညာဟူ ခီမာ
နန်းနို့သင်းတော်ဟုဘဲ ငါ့ဟို့ ကူညီဟူကြောန့် မှတော်ဆော
န့်လောက်ငန်းမာ နန်းနို့ဘဲ ငါ့တူးဒုတဲဘီးဟာ ပေးလှူရှင်း
န လတ်ခံရှင်း ရှိဘီးဟာ ဝီမျှဂေဟူကြောန်းဟို့ နန်းနို့ ကိုယ်
တိုင်ဘဲ ကောင်းကောင်းသိဟယ်။

16 သက်သာလောနိတ်မြို့မာ ရှိဟူခီဒုဟု ငါလိုရှင်ဟူကူ
ညီဟို့ နန်းနို့ဟာ နှေ့ခါတိုင်အောန် ပို့ပေးဂေဟယ်။

17 အယ်မျိုးပြောဇာဟာ ငါဟာ လှူဟို့ လိုရှင်ဟူကြောန့်
မှုဟု။ နန်းနို့ရဲ့ ကပ်စာရင်းလေမာ မှလတ်တိုးလာဇာဟို့ ငါ
ဟာ လိုရှင်ဟယ်။

18 နန်းနို့ပေးလိုက်ဟူ လှူပစ်စီးဂူလောင်းဟို့ ရဟူကြော
န်းဟို့ အယ်မူဖော်ပြဟူးဟယ်။ အယ်လှူ ပစ္စည်းလေ
ဟို့ ဧပပြောဒိတ်ဟု ယူလာပေးဟူကြောန့် ငါလိုရှင်ဇာ
လေရဟယ်။ အယ်ဇာလေဟာ မွီးကြိုင်ဟူပူဇော်သကာ၊
ဘုရားသခင်လတ်ခံဘီး နှစ်သက်ဟူ ယစ်မျိုးဘဲဖြစ်ဟု
ယ်။

19 ငါ့ရဲ့ ဘုရားသခင်ဟာ ဂေါင်သရေန စည်းဇိမ်အောက်
စာ ကြွယ်ဝမျိုး၊ နန်းနို့ဟို့ ယေရှုခရစ်တော်ကြောန့် နန်းနို့
လိုရှင်ဇာမှန်မျှဟို့ ပေးသနားပါစေ။

20 နို့လေရဲ့ ဘုရားသခင်ဟာ ကမ္ဘာဆစ်ဆစ် ဖောင်း
ကီးတော်မူပါစေ။ အာမင်။

နော-က်ဆောင်း နောက်ဆစ်ဟူစကား

21 ယေရှု ခရစ်တော် နှိုက် ရှိ ဟူ သန့်ရှင်းသူ လေ ဟို
နောက်ဆစ်ပေးဂေပါ။ ငါ့နတူးဒု ရှိဂေဟူ ညီကို မောန်
နှမလေဟုလည်း နန်းနို့ဟို နောက်ဆစ်လိုက်ဟယ်။

22 ယေရှု ခရစ်တော် နှိုက် ရှိ ဟူ သန့်ရှင်းသူ လေ ဟို
နောက်ဆစ်ပေးဂေပါ။ ထူးသဖြင့် ကဲသာမန်းဂီးရဲ့ အီမာရှိ
နေဟူ ညီကိုမောန်နှလေဟု နောက်ဆစ်လိုက်ဟယ်။

23 သခင်ယေရှု ခရစ်တော်ရဲ့ ကျေးဇူးတော်ဟာ နန်းနို့
ဝိညာဉ်နတူးဒု ရှိပါစေ။

ဓမ္မသစ်ကျမ်း ထားဝယ်ဘာသာစကား
The Holy Bible in the Tavoyan language of
Myanmar: ဓမ္မသစ်ကျမ်း ထားဝယ်ဘာသာစကား

copyright © 2024 The Word for the World International

Language: (Tavoyan)

Contributor: The Word for the World International

ထားဝယ် ဓမ္မသစ်ကျမ်း

The New Testament in Dawei Language

The Word for the World

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

0c63f106-1001-58e4-ad11-6f62c327c4e1